



NARKOMAFIJA Međunarodna policijska akcija "Solinjanka"

Tek pomilovani diler ponovo uhapšen zbog trgovine heroinom


Ante Tomas osuđen 2010. na 10 godina zatvora • Pretresi obavljani u Grudama i Mostaru, priveden i D. R. • Akcija provedena u saradnji sa MUP-om Hrvatske, gdje je droga krijumčarena

U međunarodnoj policijskoj akciji kodnog naziva "Solinjanka" jučer je ujutro u Grudama uhapšen Ante Tomas zvani Sadić, jedan od najpoznatijih hercegovačkih narkodilera, koji je u Sudu BiH bio osuđen na deset godina zatvora zbog preprodaje heroina, saznaje "Avaz" od izvora bliskog istrazi.

Izvršeni pretresi

U ovoj akciji, koja je rađena u saradnji sa Ministarstvom unutrašnjih poslova Hrvatske, osim Tomasa, pripadnici **Državne agencije za istrage i zaštitu (SIPA)** uhapsili su i D. R. Izvršeni su pretresi objekata i vozila na dvije lokacije u Grudama i Mostaru.

Uhapšeni su osumnjičeni za organizirano krijumčarenje heroina na području BiH i Hrvatske, kao i za prodaju na ilegalnom nartržištu na području Mos-



Privođenje uhapšenih u prostorije SIPA-e

(Foto: Blijesak.info)

tara i Hercegovine.

- Provođenjem istražnih radnji nad osumnjičenim osobama, zadokumentirano

je krijumčarenje više kilograma opojne droge heroin navedeno je u saopćenju SIPA-e.

Smrt supruge

U zajedničkoj policijskoj akciji pripadnicima **SIPA-e** pomoć su pružili službenici Granične policije BiH te MUP-ova Hercegovačko-neretvanskog i Zapadnohercegovačkog kantona. Obojica uhapšenih bit će predata postupajućem tužiocu Tužilaštva BiH na daljnje postupanje.

Ante Tomas osuđen je 2010. u Sudu BiH na deset



Heroin pronađen u Mostaru

(Foto: SIPA)

Oduzeti mobiteli i vozila

Prilikom pretresa u akciji "Solinjanka" pronađeni su i oduzeti skoro 70 grama smeđe praškaste materije koja asocira na opojnu drogu heroin i pištolj CZ 99. Oduzeti su i

mobilni telefoni koji su korišteni u međusobnoj komunikaciji prilikom krijumčarenja droge, kao i vozila koja su korištena prilikom prijevoza opojne droge.

godina zatvora zbog organiziranja grupe koja je iz Crne Gore švercovala heroin u BiH. Kako saznajemo od izvora bliskog istrazi, Tomas je nedavno izašao iz zatvora nakon što je pomilovan zbog smrti supruge i brige o maloljetnom djetetu.

No, on se po izlasku iz zatvora povezo s grupom dilera iz Hrvatske te je nastavio sa starim poslom.

B. CERIĆ



Ante Tomas s advokatom u Sudu BiH